

Powšitkowne WOZJEWJENJA

njedźelu, 5. septembra 2010

Duchowna hudźba w tachantskej cyrkwi

Přichodne zarjadowanje w rjedže Duchowna hudźba budže tutu njedźelu, 5. septembra, we 18 hodź w Budyskej tachantskej cyrkwi. Alexander Herrmann na saksofonje a Felix Bräuer na piščelach koncert wuhotujetaj. Mjez druhim zaklinča twórby Charpentiera, Bacha a Händela.

Změna Božej mšow w Róžeńće

Lětuše putnikowanje Kulowskeje wosady do Róžanta wotměje so přichodnu njedźelu, 12. septembra. Němskorěčna putniska Boža mša budže w 10.30 hodź. Tohodla su serbske kemše přichodnu njedźelu w Róžeńće hižo w 9 hodź.

Zetkanje samostejacych

Samostejacy ze serbskich wosadow su na zetkanje štwórtk, 16. septembra, w 14 hodź. do Domu biskopa Bena w Smochćicach přeprošeni. Zajimcy njech so hač do srjedy, 8. septembra, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdžěli.

Zhromadnej dnjej za 7. a 8. lětnik

Dekanatne dušepastyrstwo přeprošuje šulerki a šulerjow 7. a 8. lětnika wot pjatka do soboty, 10. do 11. septembra, na zhromadnej dnjej pod hesłom „Žiwjenje je krasne“ na Kukowske hrodžišće. Zajimcy njech so prošu hač do wutora, 7. septembra, pod telefonowym čislom (03 57 96) 8 87 07 we Worklecach přizjewja.

Zetkanje putnikow do Krupki

Wšitcy, kotřiž su lětsa do Krupki putnikowali, su přeprošeni na zhromadny wječor. Zetkanje wotměje so pjatk, 10. septembra, po wječornych kemšach w Chróśćicach na farje. Boža mša je w 19 hodź.

Ekumeniski nyšpor w Drježdźanach

Serbja w Drježdźanach, jich přiwuzni a přečeljo su přeprošeni na ekumeniski nyšpor z fararjom Gabrišom Nawku sobotu, 11. septembra, w 15 hodź. do cyrkwy swjateho Józefa (Drježdźany Pieschen, Rehefelder Str. 61). Po nyšporje zetkamy so k bjesadže w Šoćic kofejowni (Wurzener/Rehefelder Str.).

M. Bubnarjec

Jězba za 5. a 6. lětnik w nazymskich prózdninach

Dekanatne dušepastyrstwo přeprošuje džěci 5. a 6. lětnika wot pónđzele do srjedy, 4. do 6. oktobra, na zhromadnu jězbu po slědach swjateho Bena do Zehrena blisko Mišna. Pěnošk na wobdźelnika wučinja 35,00 eurow. Zajimcy njech so prošu hač do pjatka, 24. septembra, we Worklecach pod telefonowym čislom (03 57 96) 8 87 07 přizjewja.

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprašuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže njedźelu, 26. septembra, w 14 hodź. w Chróscicach na luce při Hatkach (za starownju). Nyšpor wobrubja wosadni dujerjo a chór Meja. Na nim požohnuja so konjace zapřahi.

Pomocny transport lětsa nazymu do Černobyla

Kamjenske towarstwo Černobylskich dźěci prosy po dorěčenju ze swojim běloruskim partnerskim towarstwom zaso wo pomocne pakćiki za potrěbnych. Štóž chce so na pomocnej akciji nazymu wobdźělić, dyrbi hač do kónca septembra přizjewjenski formular wupjelnić. Tutón kaž tež dalše pokiwy dóstanu zajimcy w zarjedže Černobylskeho towarstwa w Kamjencu na Fichtowej dróze 17, telefonowe čisło (0 35 78) 31 11 45.

Pomocne pakćiki maja so konkretnym wosobam abo swójbam přepodać. Wšitcy, kotřiž su hižo dźěci z wokoliny Budy Košelowa hospodowali, móža pakćiki tež za „swoje dźěci“ přihotować. Štóž chce pomhać a hišće žanu konkretnu adresu nima, ju pola Kamjenskeho Černobylskeho towarstwa dóstanje. Při tym smě sam rozsudzić, komu maja so dary přepodać: swójbje, kotraž pod reaktornej katastrofu ćerpi, chronisce choremu dźěsću, socialnje słabej swójbje, samodruhej žonje, stare j potrěbnej žonje abo staremu potrěbnemu mužej.

„Žarowanske puće su žiwjenske puće“

Kóždu druhu srjedu měsaca wot 9.30 do 12 hodź. přeprašuje ambulantna hospicna služba Budyskeje Diakonije znova na žarowanski kruh do Domu biskopa Bena w Smochćicach. Prěnje zarjadowanje noweho rozmołwneho koła pod profesionelnym nawodom budže srjedu, 8. septembra. Z tym so žarowacym poskića, jich wěsty džěl žarowanskeho puća přewodžeć, njehladajo staroby, swětonahlada abo časa, kiž hižo wo zemrěteho čłowjeka žaruja. Za přěnju wosobinsku rozmołwu móža so zajimcy pola Veroniki Marije Deckwart, diplomoweje socialneje pedagogowki, žiwjenskeje poradźowarki a přewodźerki žarowacych přizjewić, telefonowe čisło (0 35 91) 48 16 54/24.